

Plantum sive spirituale vel corporeale quoniam modo dicendum

per. — *Phlegmon ex diaphanissime pulvis.* —

in Compendare notum in corpore melius et valde sua, melius
 quia melius, melius in aliis non, melius?
 prodest.

quæ possit excedere ad non libere. —

quæ sunt exteriora? et interiora non habet proprium
interius, nihilque aliud videtur?

in quia uenero habet wandaniam ~~canon~~ ^{indob} ~~ionem~~ ^{ionem} uota, et
 uos mandalici uic cluando Oram, —

admodum Quisquis non comprehendit Notum Causitatis ad verum
non emittit de notum de non contradicendi.

head, ed. in libro; dispare et iusta (Tavola) per oves =
in inordinata, corat' eruda natura, mda, effus

converradione nonen d'm
disperano in uoto collidatio; disperadone in d'ntre an d'ant'm

...ad aduocatum eius?

ΣΟΥ 650
DISSERTATIONEM MEDICAM
DE

S O P O R E

Amplissimò Medicorum Ordine
Consentiente

In Illustri ad Pregelam Albertinâ

PRÆSIDE

VIRO

NOBILISSIMO, EXPERIENTISSIMO,
EXCELLENTISSIMO

DNO. GOTHOFREDO SAND/

Phil. & Med D. ac P. P.

Præceptore & Promotore studiorum suorum
æternùm devenerandò

Eruditorum examini sistit

CHRISTOPHORUS à Lohen/
Prussus.

ANNO 1685. d. 20. Septembr. horis antemer.
In Auditoriò Majori.

REGIOMONTI,
PRÆLO REUSNERIANO.

ex Cegato R. P. V. Papaleonij S. C. M. C.

VIRIS
NOBILISSIMO, EXPERIENTISSIMO, EXCELLENTISSIMO
DNO GOTHOFREDO
Sand /

Phil. & Med. D. ac P. P. Celeberrimo,
NOBILISSIMO, AMPLISSIMO, CONSULTISSIMO
DNO HENRICO Witte /
Reip. Cniphof. Region. Consulari &
Camerario Gravissimo,
NOBILISSIMO, SPECTATISSIMO, PRUDENTISSIMO

DNO JOHANNI Böß /
Scabinatûs Cniphof. Assessorî Dignissimo,
PRÆSIDI, PATRONIS, FAUTORIBUS,
Colendo, Sulpiciendis, Honorandis

Fœtum Studiorum præsentem
D. D. D.

CHRISTOPHORUS A Lohem/
Aut. & Resp.

C. A. L!



Admiranda sanè longò detentorum somnò exempla apud Autores occurrunt. Ità Damascenus compertum narrat, quòd rusticus labore defessus in fœnò tumultò totum autumnum & consecutam hyemem perpetim dormierit, donec aestate fœnò paulatim depastò experrectus, tanquam exanimis, totusq; extra se positus inventus sit. Sed penès auctorem sit veritas, verba sunt Petri Foresti Obs. & Cur. Med. L. X. Obs. XXXVIII. in schol. Et Albertus Krantz Wandalie L. VIII. c. 39. Discipulum quendam septem integris annis somno indulgisse: Plinius verò atq; Diogenes Laërtius de Vit. Dogmat. & Apophth. Clar. Philos. L. I. Tit. Epimenides, Epimenidem 57. annos dormivisse: & Raphaël. Volaterranus Comment. Urban. L. XIX. septem viros, quorum nomina: Maximianus, Malchus, Martinianus, Dionysius, Johannes, Serapion, Constantinus; annorum 196. integrorum spatiò, somnò sepultos fuisse, ac tandem expergestos, referunt. Et talem fortè somnum desideravit aut habuit Æschines ille, qui summum hominis bonum consistere in dormiendò judicans, cum somno aliquando indulgeret, ab aquilâ, ex aère ingentem testudinem in ejus caput demittente, summò suò bonò fruens, occisus est. Cum verò experientia testetur, somnum modum excedentem, homini damnum inferre: Somnus enim, inquit Plato de Legib. Dial. VII., multus nec corporibus, nec animis, neq; rebus gerendis naturâ conducit. Nemo quidem, dum dormit, alicujus pretii est, non magis, quam si non viveret. Quare quicumq; vivere & sapere cupit maximè, quàm longissimò tempore vigilet, solâ sanitatis commoditate servatâ; Soporem impræsentiarum Medicè, breviter considerare erit concessum.

§.2. Sopor Medicis audit Somnus profundus præter naturam, sanitatem lædens. Quæ ut rectius intelligantur, notandum est, Somnum esse vel Naturalem, vel Præter-naturalem. Naturalem autem, vel Moderatum seu Usitatum, vel Graviorem seu Profundiorum. Moderatus est, qui hominem post usitatas vigilias quotidie

noctu comprehendit. Gravior est, qui post nimias vigilias, corporis exercitationes, labores graviores, sanguinis aut alius profluvium, & similes causas invadit. Naturalis autem dicitur uterq; quia fit in hominis salutem, ut scilicet spiritus dissipati seu debilitati instaurantur. Somnus verò Præter-naturalis est, qui à causâ morbificâ excitatus ad spirituum & virium refectiorem nil confert, sed potius iis nocet. Conf. Avicenna *Can. L. III. F. 1. Tr. IV. c. 1.* Et hujus species sunt varix. Ut *Agrypnia* est, cum omnino nullus: *Dysypnia*, cum admodum difficulter obtingit somnus. *Brachypnia*, cum quis nec multum, nec longum dormit: *Macrypnia* contrâ, cum multum longumq;. *Micrypnia*, cum quis minimò quoq; strepitu excitatur. *Cathypnia* contrâ, cum vix aut nè vix quidem excitari potest. Soporem vocant Medici, loquente Joh. Ant. van der Linden *Melet. Medic. Hippocr. L. III. §. CXI.* E quibus speciebus pro tempore Soporem seu Cathypniam proponere libet.

§. 3. Soporis species statuuntur Carus, Coma, Lethargus, Typhomania. Ex his prima est absq; febre: conf. Leon. Jacchinus in *IXnum Libr. Rasis Comm. Part. I. C. VIII.* Laz. Riverius *Pract. Med. L. I. C. II.* Baldass. Timæus von Gûldenlee *Cas. Med. L. I. Cas. IX;* reliquæ cum febre. Carus nempe est sopor absq; febre, ita altus, ut excitati vix oculos aperiant, interrogatiq; non respondeant. Coma verò est sopor in accessione febrium præcipue invadens, non tamen ita altus, quin excitati oculis apertis ad interrogata respondeant. Dicitur etiam Cataphora. (Vulgò est duplex Coma, Vigil & Somnolentum. Somnolentum absolute Coma seu Cataphora dicitur, de quo hoc locò. Coma autem Vigil seu Cataphora Non-somnolenta est, quando agri propensionem ad somnum maximam habent, & oculos claudunt spe somni conciliandi, dormire tamen non possunt, sed vigilant.) Lethargus est sopor cum febre obli-vosus. *Ἐτρομον* est ἀπὸ τῆς λήθης ἀργῶ, seu ἀπὸ τῆς λήθης καὶ ἀργίας, id est, ab Oblivione inerti, seu Oblivione & Inertiâ sive Ignaviâ. Latinis dicitur Veternus. Typhomania deniq; est sopor cum febre & delirio. Conf. Ludov. Mercatus *Consult. Med. IX.* Joh. Ant. vander Linden *l. c.* (Sumitur etiam interdum Typhomania pro Comate Vigili. Vid. Felix Platerus *Prax. Med. Tom. I. C. II.* Lud. Mercatus *de int. morb. cur. L. I. C. XII.* Laz. Riverius *Pract. Med. L. I. C. III.* Joh. Ant. van der Linden *l. c.*) Hinc inde tamen quatuor hæ-

Sopor

Soporis species aliter atq; aliter apud Autores describuntur, alii quippe tres tantum enarrant species, alii plures, alii unius nomine omnes comprehendunt. Conf. Jac. Hollerius *de Morb. Int. L. I. c. 8. in schol.*

§. 4. Signa Soporis patent. Egri videlicet oculos habent clausos, & si excitentur, statim iterum eos claudunt, & in somnum incidunt, dormiunt etiam nonnunquam demissa inferiori maxilla & hiant ore. Signa specierum propria ex parte jam data sunt §. 3. Carus enim à reliquis differt, quod sit absque febre, & eo laborantes difficillimè excitentur, nec interrogati respondeant, ac nisi puncti non sentiant, respiratio his quoque est integra. Coma seu Cataphora in accessione febrium precipue invadit, accessione finita tollitur, (conf. Leon. Jacchinus *L. c.*) nec ita altè egri dormiunt, ut Carò laborantes. In Lethargò adest oblitio, egri namque si aliquid poposcerint, porrectum se habere obliviscuntur, & quò gravior est affectus, eò profundius dormiunt, nec Lethargus accessione febris sublata tollitur, sed permanet. Conf. Leon. Jacchinus *L. c.* Respiratio rara adest & imbecilla, nonnihil tussunt. Conf. Hippocrates *III. de Morb. V. 5. & seqq. & Coac. Pren. I. 192. & seqq.* Typhomania, præter Lethargò præsentia, & delirium adest.

§. 5. Distinguitur Sopor à Catoche seu Catalepsi, quòd in hac oculi aperti, in illo sint clausi; ab Apoplexià, quòd in hac egri nè quidem puncti sentiant, nec excitari possint, quæ in illo non contingunt; à Syncope & Uteri Suffocatione, quòd in his sit facies pallida & naturali colore destituta, in illo non; à recensitis omnibus, quòd hæc subito invadant, ille sensim.

§. 6. Causam Soporis optimè percipies, si, quomodo somnus naturaliter accidat, habueris exploratum. Est autem Somnus cessatio seu quies naturalis sensus communis & externorum, ad salutem animalis instituta. Conf. Aristoteles *de Somnò & Vig. 2.* Quiescunt sensus, si ad organa non influant spiritus. Spiritus non influunt, quia viæ intercipiuntur. Viæ intercipiuntur à vaporibus ad cerebrum elevatis. Elevantur vapores potissimum è ventriculò cibum concoquente. Hujus rei multa sunt indicia, nam à copiosiore cibo & potu somnolentiores evadimus, & in ediam passi infomes ducunt noctes. Conf. Aristoteles *de Somnò & Vig. 3.* Hanc somni causam adjuvant nimius labor, defatigatio & similia. Lassò enim corpore anima vi-

rium refectionem meditans, spiritus dispersione imminutos detinet, vias eorundem intercipientes vaporibus ad cerebrum missis.

§. 7. Hi vapores si svaves sint, atque secundum naturam se habeant, finis somni, virium videlicet restauratio sequitur; si verò vel quantitate vel qualitate peccent, morbos inducunt. Nec tamen negandum est, alteratò sanguine vel ab aëre vel ab aliis causis, etiam ejusmodi vapores seu ex corde seu aliunde ad cerebrum ablegari posse.

§. 8. Vapor igitur vel quantitate, vel qualitate, vel utrâque peccans, intercipiendò vias spirituum, nè ad organa sensuum influant, est causa Soporis. Conf. Laurent. Joubertus *de Cerebri Affect.* §. *Med. Pract. L. III. c. 12.* Spiritus hoc locò intelliguntur Animales, hi enim organis dant sensum & motum, & per nervos ad partes seu organa deferuntur. Conf. Thom. Bartholinus *Anat. Libellò III. C. I.* Nervi itaque cum sint viæ spiritus animalis, in Sopore necesse est occludi. Occluduntur verò juxta principium, vapores namque nervos ingredi non valentes, ad principium eorum manent, idque obstruunt. Principium autem nervorum est medulla cerebri oblongata, ut habet Th. Bartholinus *Anat. Libellò III. C. III. §. 1. c.*

§. 9. Viæ verò, per quas vapores è ventriculò ad nervorum principium tendunt, sunt Venæ & Arteriæ. Venæ sunt quæ vapores è ventriculò ad cor; Arteriæ, quæ è corde ad cerebrum & principium nervorum ducunt. Si verò aliunde vapores ad principium nervorum ferantur, easdem vias, Venas nempe & Arterias, statuens, me judice, non aberrabit.

§. 10. Quæ cum ita sint, exulat sententia, quæ statuit Soporē esse apostema vel tumorem aliquem in cerebrò. Conf. Avicenna *Can. L. III. Fen. I. Tr. III. c. 7.* Victor Trincavellius *Epist. Med. XIII.* Gulielmus Rondeletius *Metb. cur. morb. L. I. G. XVIII.* Licet experientiâ, quæ in Sopore laborantibus, post mortem dissectis, tumorem vel abscesum in cerebrò deprehendit, se fulciat. Conf. Felix Platerus *Prax. Med. Tom. I. C. II.* Joh. Schenkus *Obs. Med. L. I. Obs. 110.* Petrus Forestus *Obs. & Chr. Med. L. X. Obs. XI. & in Schol. ejusd. Obs.* In his quippe subjectis alia fuit causa tumoris vel abscessus, alia Soporis; neque aliquis negabit, duos diversos affectus idem subjectum invadere posse, quod & hic factum esse existimo.

§. 11. Vapor ideo pro conditione suâ, aliam atq; aliam Soporis speciem inducit, qui quò crassior, copiosior, malignior, eò profundiorē, diuturniorē, pejoribusq; symptomatis præditum excitat somnum.

§. 12. Cau-

§. 12. Causæ Remotæ sunt eâ omnia, quæ ejusmodi vapores generare queunt. Locum hîc inveniunt sex Res Non-naturales Medicis dictæ: Aër, Cibus & Potus, Somnus & Vigilia, Motus & Quies, Exereta & Retenta, Animi *παθήματα*. Aërem in nobis causam morbi existere posse, si is aut plus, aut minus, aut cumulatior, aut morbidis sordibus inquinatior in corpus se ingerat, testatur Hippocrates de Flat. VI. 9. Cibus & Potus ingestus copiosè copiosos etiam producere potest vapores, qualitate verò si peccet, non mirum, si etiam qualitate peccantes vapores generentur. Ex Jejunio immoderatò & Vigiliis nimis ob humidum exsiccatum etiam febres accendi posse, inficias ibit nemo. Febris autem posteriorum specierum comes est, & variis de causis excitata calorem universi corporis præter naturam auget, qui humores alterans varios ad cerebrum vapores ablegat. Motus, qui vapores discutere posset, si intermittatur, vapores retinentur, adeoq; plures ad cerebrum mittuntur, quàm conducunt; si sit nimius, etiam febrem accendit. Excernenda si retineantur & Animi *παθήματα* nimia vel febrem efficiunt, vel vapores aliter generant aut multiplicant. Facere hæc videntur omnes causæ febrem excitantes.

§. 13. Est verò omnis Sopor periculosus, & quò diuturnior & altior, eò majus ægro impendet periculum, præcipuè si morbis acutis & debili corpori superveniat. Τὸ Κατὰ δὲ πύκνωσιν καὶ νύκτον, Sopor ubiq; malus inquit Hippocrates *Coac. Pren. II. 35.* Et II. *Aph. 1.* In quo morbo somnus laborem facit, mortale. Et II. *Aph. 3.* Somnus, vigilia, utraq; modum excedentia, malum. Conf. VII. *Aph. 71.* Et II. de Morb. LXIII. 12. de Lethargico dicit: Hic in septem diebus moritur. Si verò has effugerit, sanus evadit. Si Lethargicis parotides superveniant, aut pus ex auribus profluat cum imminutione symptomatum, bonum est. Et A. Corn. Celsus de Medic. L. III. C. XX. de Lethargò inquit: id quoq; genus acutum est, & nisi succurritur, celeriter jugulat.

§. 14. Affectum Sopore curaturus tres Medicorum fontes, scilicet Diæticam, Chirurgiam, Pharmaceuticam, consulere, & ex his conducentia promere poterit.

§. 15. Vocatus itaq; ad ægrum Medicus, à Sopore excitabit patientem, sensibus vehementiora objecta exhibendò. Ità aures implebit

plebit clamore, strepitu, sonitu, & ægrum clarâ voce sæpe propriô nomine appellabit. Naribus præbebit acria, ut rutam, castorium cum acetô. Efficax etiam remedium esse ait Dan. Sennertus *Pract. Med. L. I. P. II. C. II.*, si acetum acerrimum supra laminam ferream ignitam fundatur, & vapor aceti ab ægrô naribus excipiat. Adhuc efficacius erit, si aceto addatur sem. nigell. ruta, & castorium. Excitat etiam à somno suffitus Δ . Et hæc & alia commendat Laz. Riverius *Pract. Med. L. I. C. II.* Commendatur quoq; hic Capillorum humanorum cinis cum acetô & aliis in ungenti formam redactus, & naribus impositus, vel aliter adhibitus Conf. Dan. Beckherus *Microc. Med. L. I. C. I.* Præcipueq; proficit & ad excitandum hominem, naribus admotum; & ad morbum ipsum depellendum, capiti frontive impositum Sinapi, ait A. Corn. Celsus *de Medic. L. III. C. XX.* In os & palatum itidem acria injiciet. Sed & frictionibus, pilorum vellicationibus, & similibus ægrum irritabit. Simul etiam Clyster præferibi poterit talis: R. Dec. aperit. maj. 3X. Elect. diacath., hier. pict. an. 3vj. \circ rut. 3X. & 3j. M. F. Clyst., qui statim injiciatur.

§. 16. Deinde, si vires ægri admittant, & nihil gravius obftet, vena secanda est, & ne vires dejiciantur, non unâ, sed pluribus vicibus, intrâ tamen paucarum horarum spatium, sanguinis evacuandum, quantum opus est. Si V. S. non liceat, cucurbitulæ adhibeantur.

§. 17. Paucis post V. S. horis purgantia. præbeantur V. G. R. Elect. de citr. sol. 3ß, diacarth. 3ij, Cast. 3ß, ∇ beton. 3iv. M. F. P. S. Reinigungstranc auff r. Mähl. Vel R. Extr. aloës 3j, pil. 7 Qu. 3ß, Castor. 3r. Vj. ∇ lavend. 3ij, Syr. ros. sol. 3vj. M. F. P. S. ut antè. Vel R. Masf. pil. coch., marocost. Mind. an. 3s, Castor. gr. V, ∇ salv., Syr. viol. sol. an. 3is. M. F. P. S. ut antè.

§. 18. Notandum verò, quòd medicamentis his semper Castorii aliquid sit admiscendum, hujus enim usus in Soporis curatione ferè alijs præfertur. Ità loquitur Alexander Trallianus *L. I. c. 20. edit. in fol. Basil. Annò 1533. Alb. Torinò interprete: Quin & Castorium ipsum potui dare expedit. -- Novi equidem nonnullos miserimè hoc corpore impeditos, uno hoc medicamine sanitati restitutos, longè verò majorem habet acetô mulsò admixtò efficaciam. Quodsi eger corpore pravis succis infarsò fuerit, mixta cum hoc scammo-*

*scammonia preparata potissimum, vel aliud quiddam alium de-
ciendi virtute preditum cum castoriò exhibendum est. Satis autem
fuerit, si castorii duobus scrupulis dimidiatum diagridii (sic enim
scammonium preparatum vulgò nominant) scrupulum adjeceris, aut
plus minusq; pro viribus cujusq;. Conf. Aretæus de Morb. Acut. cur.
L. I. C. II. Ludov. Mercatus de Int. Morb. cur L. I. C. XII. Laz.
Riverius Pract. Med. L. I. C. II. Alii.*

§. 19. Notandum etiam, quòd in Sopore cum febre, præcipuè
continuà, conjunctò, purgantia mitiora sint offerenda, & curatio
quoq; ad febris remotionem dirigenda. Ratione ergo febris vel
enematis acrioribus, vel V. S., vel diaphoresi omnia obstacula tol-
lantur, neq; Symptomatum maximè urgentium curatio negligatur.

§. 20. Quodsi clyster vel non, vel nimis diu retineatur, Sup-
positoriò utendum. V. C. R. Mell. ad durit. just. coct. ʒj, ʒ, ʃ,
an. ʒß. M. F. Supp. Nij, quorum unum ʃʃ irrigatum ano indatur,
pòst tempore opportuñd etiam alterum. Vel: R. Mell. ad durit. just.
coct. ʒj, * ʃj, Spec. hier picr. ʒß. M. F. Supp. Nij, usurpentur ut
moris.

§. 21. Et cum nonnunquam Lethargus, seu potius febris, Le-
thargi causa, sudore finiatur, eaq; sublatà etiam Lethargus cesset, te-
ste Dan. Sennertiò *Pract. Med. L. I. P. II. C. XX.*, sudor medica-
mentis promovendus. V. C. R. ʃ card. ben., cent. min. an. ʒß. ʃ
fumar. ʒij. M. F. P. S. *Schweiß-Träncklein auff 1. Mahl.* Vel: R. ʃ
absinth., card. ben. an. ʃj, ʃ perl. gr. Vj. M. F. P. S. *Schweiß-
Pulver auff 1. Mahl.*

§. 22. Sternutationes moventia medicamina ex helleborò albò,
nigellà, liliò convallium, additò semper castoriò, etiam usurpari pos-
sunt, si affectus perseveret, & æger difficulter excitetur, non tamen
usus eorum sit nimius & continuus, nè humores nimis commove-
antur, & malum augeatur. Neq; ab initiò morbi sternutationes
intempestivè conciliandæ, quod Empiricorum & muliercularum est
proprium. Consentiant in hòc Dan. Sennertus *l. modò c.*, Laz.
Riverius *l. modò c.* Gulielm. Rondeletius *Metb. cur. morb. L. I. C.*
XVIII. Alii.

§. 23. Nec omittenda sunt insensibili modò resolventia & dis-
cutientia. V. G. R. Rad. angelic., aristol. l., galang an. ʒj, Bacc.
laure

laur. junip. an. ʒiʒ, Herb. majoran., hysopi., puleg., satirej. an. Mʒ, Fl. chamom., lavend. an. Pj. Coqu. in ʒti q. f. Decoctio hœc spongia vel linteum madefiat, & calidè capiti imponatur. Quo factò capiti raso sequens Unguentum applicetur: R. ʒ rut., majoran. an. ʒiij, Castor., Cin. capill. hum. an. ʒiv, ʒti. parum. M. F. Ungv.

§. 24. Si hæc non sufficiant, ad Vesicatoria deveniendum. V. C Rʒ Ferment. acr. ʒvj, Pulv. canthar. ʒij, zingib. ʒj, euphorb. ʒʒ ʒti. q. f. M. F. Empl. Ves. Applicetur vertici raso. *Præ cateris vero Topicis maximum juvamen à Vesicatorio amplò, ulcuscula plurimum manantia in toto ambitu capitis excitante, collatum novi. Duos ego Lethargicos post morbum diu prostratum, & non solum memoriam, sed & notitiam ferè omnem deperditam, ab hœc potissimum remedio sanatos vidi: quippe in utriusq; loca excoriata, cum iis cicatrix haud faciliè obduceretur, ichoris tenuis copiam ingentem, nempe quotidie circiter libra semis profuderant, inquit Thom. Willis de Animâ Brut. Part. II. c. 3.*

§. 25. Nonnulli quoq; Cauterium actuale occipiti, cum morbi vis est maxima, applicare non dubitant. Et Zacutus Lusitanus *Prax. Med. adm. L. I. Obs. XIV.* præter omnium spem, omnibus tentatis, bis Sopore affectos se cauterio actuali persanasse dicit. Conf. Marcus Aurelius Severinus *de Effic. Medic. in Pyrotechn. Chirurg. L. II. Parte de Entopyr. c. 9.*

§. 26. Tandem etiam cerebrum roborantia sunt usurpanda. V. G. Rʒ Conf. hed. terr. ʒj, Cond. cort. citr. ʒʒ, Conf. alk., Zedoar. an. ʒj, Spec. lat. Gal. ʒʒ, Syr. de menth. q. f. M. F. Elect. S. Stärkende Satmberg. Vel: Rʒ Conf. lavend., beton. an. ʒvj, majoran. ʒʒ, Cond. cort. citr., nuc. mosch. an. ʒij, Cardam., Cynam. an. ʒj, Extr. castor. gr. Vj, Syr. beton. q. f. M. F. El. S. ut antè. Inprimis utatur patiens per aliquot dies manè Castor. gr. iij aut iv. cum Oxym. f. vel squill., aut Syr. de stoech.

§. 27. Experimentum singulare in Sopore judicatur Succus Consolidæ tam maj. quàm min. ad ʒij bibitus, nec non Satureja cum flor. vino incocta, & calens occipiti admota, ut & decocti hujus aliquot guttæ auribus instillatæ, ac alia nonnulla. Conf. Joh. Schenckius *Obs. Med. L. I. obs. 113.* Dan. Sennertus *Pract. Med. L. I. P. II. C. XX. & XXXII.*

§. 28. Bal-

§. 28. Balneum tepidum commendat Alexânder Trallianus L. I. c. 20. ed. in §. 18. cit. his verbis: *Ceterum in ejusmodi affectione lavacrum tepidum tantummodo competit. Cognovimus ipsi quempiam, qui lethargô tam graviter laborabat, ut morbum omnino non agnosceret, neq; se levare sentiret. Is post duodeviginti ægritudinis sue dies balneum ingressus, tantum sensit auxilii, ut à somnô statim expergisceretur, alios attentè acciperet, & ipse verba faceret, familiares omnes agnoscens. Proinde si vires concedere videntur, in balneolô lavandi sunt lethargici.*

§. 29. Si hæmorrhoides contra morem obstructæ sint, non inutile erit hirudines hæmorrhoidibus affigere, quod remedii genus ab imminente lethargô præservare, & jam lethargô correptos ab eo liberâsse, observatum est teste Dan. Sennertô *Pr. Med. L. I. P. II. C. XX.*

§. 30. Salutare itidem erit, si Soporis causa in ventriculô re-
stet, Vomitoriôguti, repetitô, si primum non profuerit, & æger facile vomat. V. C. & \odot \oplus L. gr. V, Croc. metall. gr. iij, Conf. ros. zib, M. F. Bolus. S. zum Brechen. Vomitu à Sopore liberatorum exempla vid. apud Petr. Forestum *Obs. & Cur. Med. L. X. Obs. XXXIV.* Laz. Riverium *Obs. communic. à D. Samuele Formiô XI.*

§. 31. Si aliud membrum ejusmodi vapores ad caput mittat, ejus habenda est ratio. Notabile exemplum occurrit apud Laz. Riverium *Obs. Med. Cent. II. Obs. XXVI.* Soporis ex uterô orti, hy-
pnoticôq; curati.

§. 32. Ex ebrietate in Soporem si quis incidat, malum cessare solet, ubi patiens crapulam edormivit. Sic Petr. Forestus *L. modô c. in schol.* quosdam se novisse dicit, qui à largô potu Soporem incurrentes, nullo excitari modô potuerint, nisi crapulam edormissent.

§. 33. Diætâ quod attinet: Aër sit lucidus, moderatè calidus. Victus in principiô sit tenuis & attenuans. Utatur patiens decoctô hordei vel ptisanæ cum cinamomô. Cibi condiantur herbis cephalicis, hysopô, majoranâ, similibus. Nasturtii esum commendant Gulielm. Rondeletius *Metb. cur. morb. L. I. C. XIX.* Petr. Forestus *Obs. & Cur. Med. L. X. Obs. X.* Et miratur Rondeletius *L. c.*, quôd Fernelius scripserit, Nasturtium somnium conciliare.

In progressu tamen affectus, si præsertim vires sint debiles, carnes boni succi, ut perdicum, gallinarum &c. edat. Vitet pisces, cucumeres lactucam, & alia frigida. A vinò ad declinationem affectus usq; abstineat, aut utatur aquosò & adstringente, vel etiam aqua hordei cum cinamomò sit ejus potus. De Somnò tantum concedatur, quantum viribus recreandis sufficit, arceatur igitur à nimis longò vel profundò, præcipuè mox à cibò, modis quibus fieri potest, ut garritu, jucundis colloquiis, aliis. Lepidus arcendi à somnò Opimium avarum modus fuit Medico apud Horatium *Sermon. L.*

II. Sat. III. v. 145. & seqq., ejus verba sunt hæc:

*Quondam lethargò grandis est oppressus, ut hares
Jam circum loculos & claves latus ovalsq;
Curreret. Hunc Medicus multum celer atq; fidelis
Excitat hóc passò: mensam poni jubet, atq;
Effundi saccos nummorum, accedere plures
Ad numerandum. Hominem sic erigit. Addit & illud:
Ni tua custodis, avidus jam hæc auferet hares.
Men' vivò? ut vivas igitur, vigila.*

Non dissimili technâ alter vinosus excitatus fuit, cum audisset vasa sua vinaria vehementius commoveri, atq; inde vinum bibi, verba sunt Jac Hollerii *de Morb. int. L. I. c. 8. in schol.* & Petri Foresti *l. modò c.* Plus etiam juvat moveri, seu animi seu corporis sint motus. Urina & alvi feces justò tempore reddantur, ideoq; si ægri sint obliviosi & quasi stupidi, nè excernenda diutius retineant, admonendi.

Tantum.

COROLLARIA.

I. Aliter fit Sanguinis Circulario in foetu, aliter in eo, qui in lucem editus est.

II. In systole cordis dilatantur arteriæ, & in diastole cordis constringuntur arteriæ.

III. Gemellorum & multiplicium partuum causa lemnis divisio, non multitudo est.

IV. Aliud

I V. Aliud est Superfœratio, aliud Gemellorum Partus.

V. Venenaita præparari posse, ut certò & definitò tempore hominem interimant, ad absurdum est.

VI. Aureum est præceptum Latini Hippocratis, A. Corn. Celsi *de Med. L. I. C. I.*, quo vult, Sanum hominem, qui & bene valet & suæ spontis est, nullis obligare se legibus debere, atq; oportere varium habere vitæ genus.

VII. Calculus non est morbus, sed causa morbi.

VIII. Æger turò se comittere potest Medico Juniori.

IX. Bene faciunt, qui ægro, cibos morbum præsentem aliàs soventes vel augentes petenti, eosdem detrahunt, aliosq; meliores suppeditant; malè verò id sæpius exequuntur, si æger tales cibos summò appetitu desideret, tum enim haud rarò concedendi sunt, nam paulò *deterior & potus & cibus, verum jucundior, melioribus quidem, sed injucundioribus, præferendus est*, inquit Hippocrates

Cous II. Aph. 38. & experientia ejusmodi diætam sæpius feliciter successisse manifestavit.

S. D. G!

Eruditissimo Dno. Respondenti.

QUod cani commune est cum balneo,
Id Excitatissimis Musis cum sopore,
Sed tamen

Sicuti non omnes qui oculos claudunt
dormiunt

Sæpe enim meditantur, aut speculantur,

Ita Tu in hac palæstrâ

Præclaro eruditionis indicio,

Ac recto cordatorum iudicio,

Omnem helucum ac veterum

profligas & exterminas

Sic agere de sopore

Est feriari, sapere & vigilare!

scrib.

G. WOSEGINIUS, D.P.P,

ENdymion dum stertit iners, vigil incubat
umbris

LOHUS, ut dextrâ Pallade promat opus,

Hæc videt, ac sociis enarrat Cynthia stellis,

Mox etiam Phœbo scripta legenda dabit.

Quantum nocturnos superat lux clara sopores,

Tantum vulgarem laus tua vincet humum.

Præ Eximii, atq; Doctissimi Dni. Respond. laudatissi-
mis conatibus gratulabundus applausit

M. Michaël Hoynovius.

Al Signor l' Autore e Rispondente
di questa Disputatione.

LE fiamme son dalla natura sì create,
Ch'elie fiano più grande essendo triplicate,
E sogliono ardendo sempre più altolevarsi
Che l'una dall' altra non posia separarsi.
Signor, à vostra naturalità, sì come
Sembra, dalle fiamme si tira il vostro nome.
Poiche eleva da se questa rarezza d'arte
Trè fiamme radiantì per le sue dotte carte,
Che Voi cercate della virtù il vero prezzo,
Dove si lo trova delle Muse per mezzo,
Voi fiammate à gloria triplice grandemente:
Li Dei ve la daranno un giorno certamente
Già promettendovi Trè corone d'honore.
Ciascuno crida: buon' hora à Signor l' Autore!

Aus dem Italienischen übersetzt.

An den Herrn Autorem und Respon-
denten dieser Disputation.

Natürlich sind Loh und flammende Flammen
Viel heftiger / wenn sie dreydoppelt bey-
sammen:
Sie pflegen viel höher aufsteigend zu brennen/
So/das sie kein Eysen kan hemmen noch trennen.
Du

Du scheinst von Lohse den Namen zu haben/
 In welchem ganz gleich genaturete Gaben;
 Denn dieses gar seltsam gedreyte Kunst = Stücke
 Gibt von sich drey enserig flammende Blicke
 Daß dein Gemüth höchlich nach Tugend-Lohn stre-
 bet/
 Da/wo mit Apoll die geneunte Schaar lebet:
 Es flammet dreydoppelt nach höheren Ehren/
 Dich werden die Götter noch deren gewehren.
 Zu diesem hört man dir drey Kronen androhen/
 Zu jenem/Glück ruffen/ Gelahrter Herr Lo-
 hen!

Dieses geringfügige wurde dem Hn. Respondenten,
 als Er drey verschiedene Disputationes zugleich
 aufgehen ließe, zu sonderbahrem Ehren-Ruhm ders-
 selben einer angefügt

von
 Georg. Frid. May, Franc.



*Dei in Notis, quibus illud mensuratum in quinam
 animalibus ab omni vegetabilibus, nulli quoniam speculatur
 libro. spiritibus. —
 regni. Regni. innotat
 a in perfectis
 ad oblationem, 21*

Notis

1.X.14



864700 **Bibliotheca** 13000 J.
P.P. Camaldulensium in Bielany

Depozyt w Bibliotece Jagiellońskiej



09337

*lumen
 1
 allenius*

receptis distat publicae, vel Ecclesiae
non potestate dispensare sine Carta?

Quid non vero Episcopos? quid est regnum
imperium ad obtinendum in eo libertatem sine carta? id est
in omni illum quem sentis etiam in regnum, ipse
cum ipso dispensat. — in regione att. 28 20 5 25 30

et J. Bernardus

si necessitas arguit, ex necessitate dispensat ut
alii libertas proceat, dispensatio laudabilis est.
cum nihil bonum est, non plane publicis dispensatio,
sed crudelis dispensatio est.

Quod si compitio est dispensatio nulli proceat
ante neque memores neque utrum. —
canta proceat. —